

Alam Wanita

Gadis

“Barangsiapa menderita kesusahan kerana memelihara anak-anak perempuan tetapi ia berbuat baik kepada mereka, nescaya mereka akan menjadi pendinding baginya dari api neraka.”

- Maksud Hadis Sharif.

Gadis itu nama bagi satu golongan manusia dari jenis perempuan, yang masih bersih dirinya sebagai kertas putih yang belum tertulis dan kena noda, ia menjadi sebagai bunga bagi alam manusia; kecantikan dan kehalusannya itu menyebabkan dirinya disukai oleh mereka.

Kehormatan sangat berharga, lebih berharga dari segala barang yang berharga, dihargai oleh manusia yang berkesopanan, oleh sebab itu, dia dijaga dengan sebaik-baik jagaan dan dipelihara dengan serapi-rapinya.

Adalah menjadi satu kehormatan besar bagi siapa yang memperoleh kehormatannya dengan jalan terhormat, dan menjadi satu kerendahan besar bagi siapa yang mengambilnya dengan jalan yang tidak halal.

Manusia yang menodai kehormatan gadis itu adalah disifatkan buas, tidak mempunyai kesopanan dan rasa kemanusiaan, sedang noda (kekotoran) yang dikenakan kepadanya itu tidak dapat dihapuskan sama sekali.

Gadis itu berkedudukan di pihak perempuan sebagai pemuda di pihak lelaki; hanya pekerjaan dan cara-caranya bekerja ada berlainan, kalau pemuda bergerak

menuntut kemuliaan dari sebelah luar, maka ia akan mengajar kemuliaan itu cukup dari jurusan rumah tangga sahaja.

Memang tak manis gadis berlaku dan bergaya sebagai pemuda-pemuda, kerana dirinya berbeza dan berlainan. Daranya akan hilang kalau ia menurut gerak geri pemuda, dan ruman gadisnya itu akan bertukar menjadi ruman pemuda.

Oleh sebab itu, di dalam Islam diadakan batas-batas dan pakaian yang tertentu bagi gadis-gadis, supaya jangan menyerupai pemuda-pemuda; kerana keadaan-keadaan yang demikian memang tidak sedap dipandang oleh mata keinsafan.

Kaum musyrikin zaman purba menganggap Allah mempunyai anak-anak perempuan, dan yang dimaksudkan dengan anak-anak perempuan itu, ialah malaikat-malaikat; dengan ini bermakna gadis-gadis itu diumpamakan sebagai malaikat, entah kerana kesuciannya, entah kerana kebersihannya. Tinggi perbandingan yang diberikan oleh mereka itu!

Di dalam *al-Qur'an al-Karīm* hal ini telah dijelaskan dengan firman-Nya:

Wa yaj' alūna lillāhil banāti subhānahu wa lahum mā yashtahūn-al-Nahl, 54.

Ertinya, "Dan mereka mengatakan Allah mempunyai anak-anak perempuan; Maha Suci ia, dan bagi mereka apa yang mereka kehendaki".

Menurut pengajaran Islam, iktikad yang demikian itu keliru dan tidak benar, kerana mustahil Allah mempunyai anak-anak perempuan, dan manusia yang beriktikad demikian namakan "musyrik".

Sebenarnya bukan saya hendak menghuraikan tentang neraka dan lain-lainnya, tetapi hendak menunjukkan di sini, bandingan yang diberikan oleh kaum musyrikin terhadap gadis-gadis itu, adalah perbandingan yang sangat tinggi sekali, sehingga mereka diumpamakan sebagai malaikat, kalau pun pada hakikatnya tidak demikian.

Tetapi oleh kerana kaum musyrikin tidak mempunyai pendirian benar, maka sesudah mereka sifatkan Tuhan mempunyai anak-anak perempuan, yang dimaksudkannya malaikat, lalu di sebalik penghormatan yang tinggi itu, mereka rendahkan gadis-gadis serenah-rendahnya. Mereka sifatkan mulia kalau mempunyai gadis-gadis. Oleh sebab itu, kalau mereka mendapat anak perempuan terbayanglah di kelopak mata mereka keaiban besar, mereka fikirkan hanya: Adakah dibiarkan sahaja anak perempuan itu hidup dalam mainan, ataukah dikuburkan sahaja hidup-hidup di dalam tanah supaya tidak menanggung malu?

Kenyataan ini disaksikan oleh friman Allah di dalam Quran:

Wa idhā bushshira aḥaduhum bil unthā ẓillā wajhu hū muswaddan wa huwa kaẓīm yatawārā min al-qawmi min sū'i mā bushshira bihī ayūnsikuhū 'alā hūnin 'am yadussuhū fī al-tturābi 'ala sā 'amā yaḥkumūn

Ertinya: "Dan apabila dikhabarkan kepada salah seorang mereka (yang ia mendapat) anak perempuan. menjadi hitamlah warna mukanya, serta dengan sangat marahnya. Ia memenjaukan diri dari kaumnya, kerana buruknya berita yang disampaikan kepadanya, (lalu berkata di dalam hatinya): "Adakah ia akan memelihara dalam kehinaan, atau ditanam sahaja di dalam tanah!" Sesungguhnya amat buruklah apa yang mereka hukumkan itu!"

Tetapi setelah agama *salām* terpancar, menyinari kegelapan itu, maka adat yang mensifatkan hina kalau mempunyai anak gadis itu, terhapuslah dari hati dan perasaan mereka, lalu berubah, akhirnya mereka muliakan dan hargakan tinggi kedudukan gadis-gadis itu.

Banyak benar kita dapat keterangan-keterangan dalam agama Islam yang menganjurkan supaya manusia menghargakan tinggi anak-anak perempuan, mendidik mereka dengan didikan yang sesuai dengan keadaan anggota badan dan otaknya, berbuat baik



Cik Mahanum binti Abdullah yang Berjaya mendapat hadiah sebentuk cincin emas kerana menjadi Johan Peraduan Membaca al-Qur'an anjuran Kaum Ibu UMNO Pulau Pinang.

kepada mereka, dilarang menghinakan mereka, atau melebihkan kasih anak lelaki daripada mereka.

Imām Bukhārī dan Muslim meriwayatkan:


'An 'Ā'ishah qālat: Dakhalat 'alayya imra'atun wa ma 'ahā 'ibnitāni lahā tas'alu falam tajid 'indī shay'an ghairu tamratan wāhidatan fā a'taytuhā iyyāhā āfaqasamtuhā bayna abnatihā wa lam ta'kulu minhā thumma qāmat fakharajat. Faadakhala al-Nabiyyu ṣallallaahū 'alayhi wasalam 'alainā fākhbarat faqāla: "man ibtalā hādha min hadhihi al-banāti bi shay'in fa ahsana ilaihinna kun lahu sitran min al-nār."

Ertinya: “Daripada 'Ā'ishah, ia berkata: Telah masuk kepadaku seorang perempuan bersama dua orang anak perempuannya meminta sedekah, maka ia tidak mendapat apa-apa daripada aku selain dari sebijji kurma, lalu aku berikan kepadanya, maka ia bahagikan sebijji kurma

itu kepada dua orang anaknya, pada hal ia sendiri tidak makan kurma itu, kemudian ia bangun berdiri lalu keluar. Setelah itu, masuklah Nabi (SAW) kepada kami, lalu saya khabarkan kepada baginda (akan kejadian itu), baginda pun bersabda: Barangsiapa menderita kesusahan kerana memeliharaan anak-anak perempuan tetapi ia berbuat baik kepada mereka, nescaya mereka akan menjadi pendinding baginya dari api neraka.”

Amatlah halusnya didikan yang terdapat dalam hadis ini, bagaimana ketinggian budi seorang ibu kepada anak-anak perempuannya, ia lebih mementingkan kehidupan anak-anaknya daripada dirinya sendiri, sehingga ia reda menanggung lapar, asalkan anak-anaknya mendapat makan.

-Dari al-Lisān.



Suatu pemandangan sembahyang Hari Raya Aidilfitri yang diadakan oleh Kaum Islam di Padang Dato' Keramat

Road Pulau Pinang. Yang sedang berkhutbah ialah Tuan Haji Ibrahim Aqibi guru agama yang terkenal.